

Protocol 'Ban scol bek'

Documento pa alumno

E documento aki ta basa riba e "Protocol 'Ban scol bek' i.v.m. Coronavirus COVID-19" stipula door di entre otro SKOA, DVG, JGZ y otro partner. Colegio San Antonio a adapta e protocol aki pa e situacion specifico di nos scol. Seguridad di cada alumno como tambe miembro di personal tawata e punto di salida di e documento aki. Pa es motibo si un alumno no atene su mes na e protocol aki nos lo haya nos mes obliga di implementa sancionan severo pa coregi esaki.

Lesu e documento aki bon y si bo tin pregunta tuma contacto cu bo mentor pa e guia bo den e proceso.

➤ **Prome cu yega scol:**

- **Si bo ta sinti malo, no presenta na scol.**
- No bin scol si bo ta sinti entre otro:
 - keintura,
 - nanishi ta core,
 - tosamento,
 - dolor di garganta,
 - dolor di curpa,
 - problema cu hala rosea,
 - diaree of sacamento.
- E alumno cu ta sinti malo su mayor mester avisa scol prome cu 8:30 di mainta. E mayor ta informa scol di e sintomanan cu e alumno tin pa asina scol por registra esaki pa DVG.
- Si bo sinti malo na scol avisa bo docente mesora.
- Si bo bira malo na scol, nos lo yama un mayor pa bin busca bo.
- Higiene personal ta hopi importante. Tene cuenta cu e siguiente puntonan:
 - **Mask (mondkapje) ta obligatorio. Sin mondkapje bo no por subi tereno di scol. Ta permiti pa kita e mondkapje solamente durante pauze pa come of bebe. Tur otro momento e mondkapje mester ta bisti.**
 - Scol a percura pa tin awa, habon, papel pa seca man y hand sanitizer den tur lokaal.
 - Ta consehabel pa tur alumno bin cu nan propio hand sanitizer.
 - Evita di mishi cu bo cara (boka, nanishi, wowo).
 - Tosa of niester den elleboog of tissue y deshaci di esaki den un bari di sushi.
 - Laba bo man constantemente cu awa y habon of uza hand sanitizer.
- Bin cu botter cu awa, uzo di watercooler NO ta permiti.

- **Tur regla di scol ta keda conta** (*uniform, jacket di scol, renchi orea, jeans kibra etc.*).

➤ **Ora di yega scol**

- Bisti bo mondkapje prome cu bo subi tereno di scol.
- Na comienso y na final di dia e alumno por subi/baha for di tereno di scol uzando tur entrada. Esaki ta pa evita aglomeracion. Ora bo yega/sali di scol uza e entrada cu tin menos hende.
- Tene semper un distancia di 2 meter entre abo y un docente/personal di scol.
- Tene semper un distancia di 2 meter for di otro persona. Lo tin docente riba plein pa yuda cu esaki.
- Ora bo yega scol bo lo mira marcacion riba vloer. Esakinan ta pa indica “Social Distancing” cada pasa 2 meter. Lo tin marcacion dilanti tereno di scol, riba schoolplein y den lokaal. Ta permiti pa para solamente riba e puntonan marca.
- Ta permiti pa cana solamente den direccion di e flechanan marca riba vloer.
- No ta cuminda otro di serca (no mag di sunchi, brasa, buks, shake hand, etc.)
- Ora yega bo lokaal, desinfecta bo man cu e hand sanitizer poni na entrada di e lokaal prome cu drenta paden.
- Cantina di scol lo ta habri. Si bo haci uzo di cantina mantene bo mes na e reglamento di higiena di cantina y mantene distanciamento social.

➤ **Uzo di gang:**

E trafico den gang (pa bay lokaal 12 te cu 21) ta di un solo direccion. E entrada pa e gang ta bira bandi lokaal 12 y e salida ta bandi lokaal 21. Por ehempel si bo sali di lokaal 16 y mester bay lokaal 12, bo mester pasa rond, ariba e parkeerplaats pa docente y drenta di e otro banda.

Na ningun momento di dia ta permiti pa sinta/para den gang, solamente si bo ta bay of tin cu sali di un lokaal situa den e gang.

➤ ***Den lokaal durante les:***

- Mask (mondkapje) ta obligatorio. Ta permiti pa kita e monkapje solamente durante pauze pa come of bebe. Tur otro momento e monkapje mester ta bisti.
- Manera bo drenta lokaal bay sinta na bo banki asigna. E alumno mester sinta segun nan number di klas den tur klas.
- Pa evita transmision no por fia material di scol of di otro alumno.
- Mientras cu bo ta den e lokaal, no ta permiti pa cana rond.
- Pa haci uzo di baño e docente mester duna bo permiso prome. No mag bay baño den grupo. Corda laba bo man bon despues di uza baño.
- Mantene un distancia di 2 meter entre abo y un otro persona den e lokaal.
- Mantene un distancia di 2 meter entre abo y e docente.
- Si bo sinti malo durante les avisa e docente mesora.

➤ ***Durante pauze:***

- Ta bandona lokaal 1 pa 1 bou guia di e docente.
- Sigui e marcacionan riba e vloer pa bay pafo.
- Tene semper un distancia di 2 meter for di otro persona. Lo tin docente riba plein cu lo yuda organisa y controla esaki.
- Ora bel bati ta bay bek lokaal mesora siguiendo e marcacionan riba vloer.
- Prome cu drenta lokaal haci bo man limpi cu hand sanitizer cu tin na entrada di e lokaal.

➤ ***Despues di scol:***

- Ora bo ultimo les caba e docente lo laga e alumnonan sali 1 pa 1.
- Desinfecta bo man cu hand sanitizer asina bo sali di e lokaal.
- Ora di bandona tereno di scol nos ta haci esaki di e mesun manera cu ora nos a yega scol. Bo ta sigui e marcacionan riba vloer bay pafo.
- Tene semper un distancia di 2 meter entre abo y otro persona. Lo tin docente riba plein cu lo yuda organisa y controla esaki.
- **Asina cu bo mayor bin busca bo, bo ta subi auto y bo mester bay cas mesora!**
- No ta permiti pa ningun alumno keda "hang" na scol.
- **Ripiti tur instruccion tur dia cu mester presenta na scol.**

➤ ***Durante les di Gym (L.O.):***

Comienso di les:

- **Dia cu bo tin les di Gym, bo ta bin cu bo gym uniform bisti scol . Bin cu bo polo shirt (uniform) pa bistie ora les di gym caba.**
- Mester bin cu un serbete chikito.
- Bo ta para den rij ariba e marcacionnan pafo di e gymzaal y bo ta wordo guia door di e docente pa drenta 1 pa 1 paden. Ta haci man limpi cu hand sanitizer na entrada prome cu drenta gymzaal.
- E docente lo indica unda bo por sinta. Ariba e vloer tambe lo tin marcacionnan pa indica unda mag sinta.
- Tene semper un distancia di 2 meter entre abo y otro persona. E docente lo controla esaki.

Durante di les:

- Tur porta di gymzaal lo ta habri pa tin bon ventilacion.
- Ta keda cu bo sapato bisti durante ful e les.
- **Trece bo botter cu awa, no tin awa na cooler. No mag bebe for di botter di un otro persona.**
- Laga e baño limpi despues cu bo caba di uz'e.
- Laga e tapa di e wc habri pa e docente controla si esaki ta limpi.
- Laba man despues di haci uzo di baño.

Despues di les:

- Bou guia di docente ta bay 1 pa 1 baño pa cambia bo gym shirt (bisti bo polo shirt limpi).
- Desinfecta bo man cu hand sanitizer asina bo sali di gymzaal.